



REPUBLIKA E SHQIPËRISË

GJYKATA ADMINISTRATIVE E APELIT
KËSHILLI I GJYKATËS

Nr. 586 Prot

Tiranë, më 21 . 11 .2022

V E N D I M

Nr. 34, datë 21.11.2022

“PËR EMËRIMIN E SHTETASES EDLIRA SULÇE SI NËPUNËSE CIVILE
GJYQËSORE, SEKRETARE GJYQËSORE”

Këshilli i Gjykatës Administrative të Apelit, i përbërë nga:

Enkelejda METALIAJ (SOFTA)

Zëvendëskryetare e Gjykatës,

Blerona HASA

Anëtare Zëvendësuese,

Leonard STRATAJ

Kancelar i Gjykatës,

Asistuar nga sekretarja **Kristina PËRNASKA**, i mbledhur në Tiranë, sot më datë, **21.11.2022**, pasi mori në shqyrtim çështjen e emërimit nëpërmjet lëvizjes paralele, si nëpunëse civile në Gjykatën Administrative të Apelit, të sekretares gjyqësore të Gjykatës Administrative të Shkallës së Parë Tiranë, Edlira Sulçe,

V Ë R E N

Se Këshilli i Lartë Gjyqësor me Vendimin nr. 622, datë 10.12.2020 “Për lëvizjen paralele, ngritjen në detyrë dhe pranimin në shërbimin civil gjyqësor” ka miratuar procedurën për plotësimin e vendeve vakante në shërbimin civil.

Nga ana e Gjykatës është njoftuar Këshilli i Lartë Gjyqësor se pranë këtij institucioni janë katër vende vakante në shërbimin civil gjyqësor, kategoria ekzekutive “*Sekretar gjyqësor*”.

Në ligjin nr. 98/2016 “Për Organizimin e Pushtetit Gjyqësor në Republikën e Shqipërisë”, i ndryshuar si dhe Vendimin nr. 622, datë 10.12.2020 të Këshillit të Lartë Gjyqësor parashikohet se vendet vakante në shërbimin civil gjyqësor plotësohen me rikthimin në zbatim të një vendimi gjyqësor të formë së prerë, rikthimin, për shkak të pezullimit, nëpërmjet transferimit sipas neneve 66, 67 dhe 68 të ligjit nr. 98/2016 “Për Organizimin e Pushtetit Gjyqësor në Republikën e Shqipërisë”, i ndryshuar.

Në rast të pamundësisë për plotësimin si më sipër, atëherë në radhë zbatohet lëvizja paralele, ngritja në detyrë dhe në fund pranimi në shërbimin civil gjyqësor.

Në këto kushte në mbledhjen e datës 12.10.2022, Këshilli i Gjykatës vendosi të procedojë për plotësimin e vendeve vakante me anë të lëvizjes paralele dhe shpalli njoftimin në faqen zyrtare të Këshillit të Lartë Gjyqësor, Gjykatës, si dhe gjithë gjykatave të vendit me kushtet e kërkuara. Afati i aplikimit për lëvizjen paralele u caktua deri më datë 26.10.2022. Rezulton se deri në këtë datë është paraqitur aplikimi i shtetasës Edlira Sulçe. Në përfundim të verifikimit paraprak të kandidatës Edlira Sulçe për përmbushjen e kushteve nëpërmjet procedurës së lëvizjes paralele për pozicionet vende vakante “Sekretar Gjyqësor” në Gjykatën Administrative të Apelit, kjo e fundit është kualifikuar për të vazhduar fazën e dytë, atë të vlerësimit profesional nga Këshilli i Gjykatës.

Në këto kushte, Këshilli i Gjykatës është mbledhur në datë 15.11.2022 duke bërë vlerësimin e kandidatës të kualifikuar Edlira Sulçe. Ndërkohë u mbajt parasysh fakti që Këshilli i Lartë Gjyqësor ka miratuar edhe Udhëzimin nr.85, datë 11.03.2021 “Për procesin e plotësimit të vendeve të lira në shërbimin civil gjyqësor nëpërmjet procedurës së lëvizjes paralele, ngritjes në detyrë dhe pranimi nëpërmjet konkurrimit të hapur”, pra përpara vlerësimit dhe për rrjedhojë Këshilli u bazua edhe mbi këtë vlerësim.

Këshilli i Gjykatës, mori në intervistë kandidaten e kualifikuar Edlira Sulçe, duke i drejtuar pyetje rreth përvojës arsimore, profesionale, referuar nenit 11 të Vendimit nr.622, datë 10.10.2020 dhe Udhëzimit nr.85, datë 11.03.2021 të Këshillit të Lartë Gjyqësor.

Këshilli i Gjykatës pasi mori në shqyrtim dokumentacionin e paraqitur nga kandidatja Edlira Sulçe miratoi vlerësimin si më poshtë: Për vlerësimin e përvojës profesionale, anëtari i parë ka dhënë 50 pikë, anëtari i dytë ka dhënë 50 pikë, anëtari i tretë ka dhënë 50 pikë. Për kriterin e vlerësimit në punë, të gjithë anëtarët kanë dhënë 40 pikë. Për pikët në fushën e trajnimeve ose kualifikimeve të gjithë anëtarët kanë dhënë 3 pikë. Nga mbledhja e vlerësimit të përvojës

Edlira Sulçe u vlerësua në total me 93 pikë. Sipas nenit 11, të Vendimit nr.622/10.12.2020 “Për lëvizjen paralele, ngritjen në detyrë dhe pranimin në shërbimin civil gjyqësor” kandidatja Edlira Sulçe konsiderohet e suksesshme.

Neni 13 pika 1 e Vendimit nr.622, datë 10.12.2020 të Këshillit të Lartë Gjyqësor parashikon se: *“1.Këshilli, brenda 24 (njëzet e katër) orëve, pas përfundimit të procedurave të ankimit, bën emërimin e kandidatit me më shumë pikë, nga lista e hartuar sipas pikës 2 të nenit 11 të këtij vendimi”.*

Në kushtet kur kandidatja Edlira Sulçe plotëson kushtet formale për lëvizjen paralele dhe ka marrë 93 pikë në vlerësim, Këshilli i Gjykatës çmon njëzëri se ajo duhet të emërohet si Sekretare Gjyqësore në Gjykatën Administrative të Apelit, dhe për rrjedhojë:

V E N D O S I:


1. Emërimin e shtetases znj. Edlira Sulçe si nëpunëse civile gjyqësore “*Sekretare Gjyqësore*” pranë Gjykatës Administrative të Apelit.
2. znj. Edlira Sulçe të bëjë dorëzimet brenda 5 ditëve nga nxjerrja e këtij akti në Gjykatën Administrative të Shkallës së Parë Tiranë.
3. Vendimi t’i njoftohet kandidates, Këshillit të Lartë Gjyqësor dhe të gjithë Gjykatave të Republikës së Shqipërisë.
4. Ngarkohet Kryetari i Gjykatës dhe Kryesekretarja për zbatimin e këtij vendimi.

Tiranë, sot më datë 21.11.2022

Anëtar

Kancelari

Leonard STRATAJ



Anëtare

Anëtari Zëvendësues

Blerona HASA



Kryetare

Zëvendëskryetare

Enkelejda METALIAJ

(SOFTA)



Sekretare

Kristina PERNASKA

